


證治準繩

七十三

捌函

三 心臟部一
瘡瘍



內閣文庫	
番號	漢 12971
冊數	100 (73)
函號	301 60



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





家傳治疔馬胎赤腫走入心腹則不救方

生槐葉

壹握

生瓜萋

去皮同槐葉搗

赤白豆末

各一分

右和塗患處其効如神

擣竹菰汁及一升作一服只一二服効

擣韭菜入些鹽與香油以手摩熱於丹上搯之

立愈

治一切丹瘤以土硝為末薑汁醋調塗日

三四上

土硝即蛇蟻也

蓖麻子五箇去殼細研入

錢水調微

子以

水許茨麻葉莖

水調大黃末塗 水研梔子仁塗 水調黃芩末
 塗 水研葫蘆汁塗 臘脂調屋塵塗 油調樺皮
 末塗 唾調粟米粉塗 水研糯米汁塗 水煮白
 礬末塗 醋調紅藍花塗 煮白芷根葉塗 杵鯉
 魚令爛塗 蜜和乾薑末塗 水調地龍糞塗 杵
 大麻子汁塗 燒粉家洗瓮水塗 水調韭畦中土
 塗 雞清調榆根白皮塗 不犯水羊脂炙塗以白
 粉傳之 研胡荽汁塗 醋磨訶子塗 杵鬼目汁
 塗 杵荏子汁塗 研薑取汁塗 研地黃汁塗
 研豆葉汁塗 研海藻汁塗 油調鼓末塗 水調

青黛塗 水研地龍塗 水煮粟米塗 酒煮石楠
 塗 水調雞糞塗 杵梧桐皮塗 苦 汁塗 并服
 搗蒜塗 治五色丹尤妙

千金方言凡方中用雞子者皆取先破者用之它皆
 無劣 又言凡天下極冷無過藻菜但有患熱腫毒
 丹等取渠中藻菜細切熟搗傅丹上厚二分乾即易
 之予謂不可以此塗若毒在表猶可措手若抑之則
 外不得泄勢必入裡必先服托裏藥方可施此
 辨小兒欲發丹毒初生小兒蓄伏胎熱欲發丹者
 必先見於外但人不之察耳小兒在襁褓中無故眼

生厚眇者此丹毒欲發之候也更微喘急者毒氣已甚而上乘於肺也纔覺有此證急以水調龍腦飲子或藍根犀角等藥潛消其毒如渾身已有赤處即更以芸臺等外挫其鋒消息而次第治之予家凡兩兒初生眼有厚眇後俱發丹何幸宜人外孫女生七日眼生眇已而小腹下有赤丹一點如錢漸漸引開上至腹心而死不可不知也初虞世謂百日内發必死不治然亦有可治者不可不治也

藥忌大凡小兒病諸丹腫其勢雖盛切不可遽用大黃芒硝輩決藥大下之恐毒氣乘虛入裏以客為主

即難施功也但用性平解毒托裏藥常調停藏府微微通利而已此則護元氣而排外邪庶保十全也此舍陶氏子半歲病丹醫以青金丹下之大過蓄毒入裏發喘生驚而死蓋嬰孺肌膚柔弱易虛易實而服藥復不能多治之固不可怠慢然亦不可躁急全在精專調護以保無虞世俗多不知此故廣記而備言之小兒丹發若預度其勢必展引至咽喉腹心陰尻諸虛處可先塗藥以護之仍破砂其引頭所向微出惡血以泄其毒或謂當以篋子刮去惡血令盡直至清黃水出即止此必勢危氣壯而血熱者始宜之

大抵此疾人受之有輕重年長氣實乃能禁當若未
滿月兒而感之又重恐不可藥用此法無為主簿張
康道子二歲得火燄丹曾醫為砂之出惡血蓋餘兩
日而殞不可不知也 本草云大人小兒丹毒宜食
鯽魚鱠及蛇蛇即水母俗名海蜇者是也然不可以
宜食而恣食之反能為害鯽魚亦魚類得無不宜
藥法無為南汰寺僧宋澄師傳西川文法禁火焰丹
用松明五條細如筋以火點著一頭右手執之大指
指定第二指中節紋左手亦如此指定面北立靜想
北方壬癸水渺漫無際一口吸盡吹在火上再想

吹如是三次將火向自己口中試如不燒入即以松
明火於小兒丹上周回焯一遭兼於丹上十字焯過
即已如試得燒入疼更想吸水正旦及端午日受持
行瘡薛諸瘡惟疔毒為甚殺入亦速古云疔有十二
種種各不同內三十六疔滿其數即不可救亦有不
滿其數而死者乃毒氣走散故也若痘毒染入發於
頭面或遍身者又非此類在小兒多因乳母食有毒
之物或兒卒中飲食之毒或感四時不正之氣皆能
致之其瘡多生頭面四肢形色不一或如小瘡或如
水泡或痛或痒或麻木不仁外證寒熱嘔吐惡心肢

瘡癰
體拘急大要當分邪之在表在裡急用隔蒜灸法并
解毒之劑若不省人事牙關緊閉急以奪命丹為末
熱酒調灌如食生冷之物或用凉水淋洗則輕者難
愈重者不治其生於兩足者多有紅絲至臍生於兩
手者多有紅絲至心生於唇口之內者多有紅絲入
喉急用針挑出惡血以泄其毒可保無虞其在偏僻
之處藥難導達者惟灸法有回生之功若投峻厲之
劑是促其危矣小兒肌肉柔脆且不能言痛否灸法
須將蒜切薄片著肉一面略刺少空灼艾燃蒜先置
大人臂上試其冷熱得宜然後移着瘡上又別灼艾

如前法試之以待相易勿令間歇

飛龍奪命丹 治瘡毒發背腦疽等證

真蟾酥 乾者 酒化 輕粉 枯白礬

寒水石 銅綠 乳香

沒藥 麝香 朱砂 各陸錢

蝸牛 肆拾箇另研 如無亦可

右各為末入蟾酥蝸牛或加酒少許糊丸菜豆大
每服一二丸溫酒或葱湯下重者外用隔蒜灸法

時毒 薛小兒時毒因感四時不正之氣致鼻面耳項
或咽喉赤腫寒熱頭痛甚者恍惚不寧咽喉閉塞狀

瘡癰時毒

刀斗三

百五

如傷寒五七日間亦能殺人脉浮數者邪在表脉沉
澹者邪在裏在表用葛根牛蒡子湯在裏用梔子仁
湯表裏俱病者犀角升麻湯甚則宜砭及用通氣散
宣泄其毒旬日自消若不消而欲作膿者用托裏銷
毒散欲收斂者用托裏散若咽腫不能言頭腫不能
食者必死

通氣散 治時毒喉痛咽喉不利取嚏以泄其毒

玄胡索

猪牙皂莢

川芎 各壹錢

藜蘆 伍分

羊躑躅花 叁分

右為細末用紙燃蘸少許絛鼻內取嚏為効

犀角升麻湯 治風熱口唇頰車連牙腫痛

犀角 鈔貳錢

升麻

防風

羌活

川芎

白芷 各伍分

黃芩

甘草 各壹錢

白附子 肆分

右每服三五錢水煎

梔子仁湯 治時毒腫痛大便秘結

鬱金

枳殼 炒

升麻

山梔仁

牛蒡子 研碎

大黃 炒各等分

右為細末每服二三錢蜜水調服

葛根牛蒡子湯 治時毒腫痛消毒解熱

倉場

時毒

功年三

百四六

葛根

管仲

甘草

江西豆豉

牛蒡子

半生半炒研碎各等分

右每服三五錢水煎

流注薛小兒流注乃氣流而滯血注而凝元氣不足之證也或因閃跌墮傷或因肝火氣逆或因六淫內侵或因脾虛食積或因稟賦所致結於四肢節髀患於胸腹腰臀或結塊或漫腫或作痛悉用葱熨之法須固元氣為主閃跌者和血定痛丸肝火者九味蘆薈丸食積者四味肥兒丸藥能對證未成自消已成自潰若膿成不潰者元氣虛也先補而針之庶使毒

氣不致內攻氣血不致脫陷若膿出而反痛者氣血虛也用八珍湯作嘔少食者胃氣虛也用四君子湯欲嘔不食或腹作脹者脾氣虛也用六君子湯口噤精竭者氣血虛極而變症也十全大補湯內熱晡熱陰血虛也四物參芪白朮表熱惡寒陽氣虛也十全大補湯熱來復去或晝見夜伏晝伏夜發者虛熱也當大補元氣若色赤腫起而膿稠者尚可治不赤硬而膿清或脈洪大寒熱發渴及不受補者皆不可治健脾滲濕飲治瘡瘍初起焮腫作痛或濕毒下注或環跳穴痛

人參

白朮

蒼朮

防已

酒拌

黃蘗

川芎

陳皮

當歸

茯苓

各伍分

木瓜

不犯鐵器

柴胡稍

甘艸

各叁分

右薑水煎服如三五劑不退加桂少許酒煎亦可

小便澀加牛膝身痛加羌活

和血定痛丸

一名黑丸子

治流注膝風或閃跌瘀血肢

節腫痛服之自消若潰而發熱與補藥兼服自效

百草霜

伍兩

赤小豆

半斤

川烏

炮壹兩

白欬

捌兩

白芨

南星

炮各貳兩

骨碎補

肆兩

當歸

牛膝

各伍兩

右為末酒糊丸桐子大每服二三十丸白湯下

神効蔥熨法治流注結核或骨癱鶴膝等證先用隔

蒜灸若餘腫尚存用此熨之以助氣行血散其壅

滯功效甚速又治跌撲損傷止痛散血消腫之良

法也其法用蔥細切搗爛炒熟熨患處冷則易

乏如鶴膝風兼服大防風湯而愈

隔蒜灸法治流注及癰疽鶴膝風等證每日灸二三

十壯痛者灸至不痛不痛者灸至痛其毒隨火而

瘡湯流注

方

二

散蓋火以暢達拔引鬱毒此從治之法有回生之
功其法用大蒜去皮切三文錢厚安患處用艾壯
於蒜上灸之三壯換蒜復灸未成即消已成者亦
殺其毒如瘡大用蒜杵爛攤患處將艾鋪上燒之
蒜敗再易如不痛或作膿或不起發及瘡屬陰證
者尤當多灸凡瘡不痛不作膿不起發者皆氣血
虛也多主不治惟患在頭面者不宜多灸論中嬰
兒灸法見疔瘡

如聖餅 治流注及一切瘡瘍不能消散或潰而不
斂

乳香

沒藥

木香

血竭

當歸

麝香

右為末用酒糊和餅二箇乘熱熨之毒瘡加蟾酥
當歸補血湯 治流注及潰瘍肌熱面赤煩渴脉洪
大而虛重按全無此血虛證也誤服白虎湯必死

方見
虛熱

益氣養榮湯 治流注氣血虛弱不能消散或四肢
頸項患腫不問堅軟赤白或痛或不痛日晡發熱
或潰而不斂 方見後

十全大補湯 治諸瘡血氣虛弱不能消散潰腐收

瘡瘍 天蛇毒

刀針

百四

斂或寒熱汗出口眼歪斜肌瘦少食或日晡發熱
自汗盜汗或朝寒暮熱瘡口不斂等證方見自汗

天泡瘡 瘡手指頭生瘡俗名天蛇毒然五指各有經絡
絡指屬手太陰肺經食指屬手陽明大腸經中指屬手厥陰心包絡經無名指屬手少陽三焦經小指屬手少陰心經亦有患於足者足趺屬肝膽胃三經大指屬肝脾二經次指屬膽經小指屬膀胱經各當隨經而治其致患之由或因胃中積熱所發或因乳母膏粱厚味所致或因濕熱下流或因風毒外中大量多由所稟足三陰之經虛故邪得以入之也其初

患腫痛者先用仙方活命飲次用托裏消毒散元氣下陷重墜作痛久而不潰者用補中益氣湯若服敗毒散及敷寒涼之劑則瘡口變黑或努肉突出或指皆黑大抵手足為氣血難到之處手屬於胃足屬於脾不可損其真氣丹溪以醫居僻位尚言氣血罕到况肢末乎故寒涼剋伐之藥所宜深戒者也

天泡瘡 瘡狀如水泡屬脾胃二經風熱若發熱焮痛邪在表也用人參敗毒散發熱咳嗽邪在肺也用加味瀉白散熱渴便秘邪在內也用加味清涼飲此肌膚之證當去毒水以金黃散或黃檗蚯蚓敷

之當歸膏亦善既安不必服藥若因攻伐過度元氣
虛而變生別證者當參各門治之

柴芍參苓散 治肝膽經分患天泡等瘡或熱毒瘰
癧之類

柴胡 芍藥 人參 白朮

茯苓 陳皮 當歸各伍分 牡丹皮

山梔炒 甘草各叁分

右每服二錢水煎服

加味解毒飲 治天泡瘡發熱作痛

玄參 連翹 升麻 芍藥

當歸 羌活 生地黄 牛蒡子炒各一錢

茯苓 甘草各貳錢 金銀花 漏蘆各五錢

右每服一二錢水煎服或為朱蜜丸亦可

金黃散 治天泡瘡消毒止痛

滑石 甘草

右各另為末和勻傳患處如泡挑去水傳之加黃

藥尤好

楊梅瘡 薛楊梅瘡乃天行時毒亦有傳染而患之或
稟賦所得者受證在肝故多起於下部治失其宜多
致蝕傷眼目腐敗腎莖拳攣肢節初起之時上體多

瘡 楊梅瘡

刀 斗 三

一百五

者先用荆防敗毒散下體多者先用龍膽瀉肝湯大便秘者用大連翹飲後用換肌消毒散若蝕傷眼目兼用九味蘆薈丸六味地黃丸肢節拳攣兼用蠲痺解毒湯若因脾胃虧損而不能愈者先用異功散後用換肌消毒散若用輕粉之藥多致敗證也按楊梅瘡起於近代多姪夫御不潔之婦傳染而致者其在小兒得之乳抱傳染者輕得之父母遺體者重治法與大人同更當求之專科薛氏治法未可盡遵用也

換肌消毒散

一名草
蘇散

治楊梅瘡不拘初患日久並効

土茯苓

即草薺

當歸

白芷

甘草

皂角刺

薏苡仁

白蘚皮

木瓜

不犯鐵器
各等分

右水煎食前拜空心服

又方治大人之劑如用前方未應或兒長大宜用

此方

土茯苓

伍錢

當歸

白芷

皂角刺

炒

薏苡仁

各壹錢

白蘚皮

木瓜

不犯鐵器

木通

金銀花

各柒分

甘草

連翹

防風

各伍分

茯苓

芍藥

各壹錢

黃芪

炒貳錢

川芎

生地黄

各別

右作二三劑水煎出幼者作一劑煎分兩三次服

王爛瘡

聖惠云夫小兒腑臟有熱熱薰皮膚外為濕

氣所乘則變生瘡其熱偏盛者其瘡發勢亦盛初生

如麻子須臾王大汁潰爛如湯火所傷灼故名王爛

瘡也

治小兒王爛瘡一身盡如麻子有膿汁乍痛乍痒或

時壯熱

赤芍藥

甘草

白歛

各叁分

黃芩

黃連

去鬚

黃檗

微炙

右為末蜜水調塗日三兩上差

治小兒王爛瘡及惡瘡

秫米

竹篠

右燒灰細研以田中禾下水調塗之立效

治小兒王爛瘡初患一日肉色變二日飽漿出或四

畔時赤漸長若飽漿匝身即不可治其狀如湯火

燒宜速用黃連散

黃連末

胡粉

各壹兩

右研勻以生油調塗之

治小兒王爛瘡

治小兒

治小兒

治小兒王爛瘡初起炮漿似火燒瘡宜用此方 又
 桃仁湯浸去皮研細以脂和塗 又以艾燒灰傳
 乾即用生油塗 又十字街土并金下土研傳之
 又燒牛糞灰傳 又酒煎吳茱萸汁塗 又酥和赤
 地末傳

浸淫瘡治小兒身體發瘡初出甚小後有膿汁浸淫
 不已漸大者浸淫瘡若先從四肢起漸向頭面者難
 治也

鯽魚 壹尾長 豆豉 壹合

右杵如膏塗之 又療馬鞍瘡

又方苦瓠 壹兩 蛇蛻 半兩 露蜂房 半兩 梁上塵 壹

末油調塗 又方伏龍肝 叁分 亂髮 叁分 爲末猪脂

和塗 又方取雞冠血塗 雞冠血和黄連末塗

煎鯽魚膏塗 生切鯽魚片和鹽貼患處 燒胡燕

窠水和塗之

紅絲瘡有一種紅絲瘡雖非丹疹其毒實同多生於

兩手中指節上男左女右則尤甚也其狀但一水泡
 清澄光瑩如小雞頭大其底下濺濺然數十小針孔
 不痒不痛都無妨礙泡邊當有一絲脉如紅絲隱隱
 在皮裏其行甚速循臂而上過肘則危至心即死有

此證者急以針迎頭挑斷或刺耳塞或嚼白梅封之
絲卽不行紹興庚午無爲宰方梓字楚材與先子爲
同年秩滿代歸三日而姐詢其所以云無疾但左手
中指生一小水泡耳蓋不知其爲紅絲瘡也 又衛
提轄宜人云比鄰有女子忽中指節生一水泡色極
清澈其底盡細細針孔歷歷可數傍有紅絲一縷舉
家嬉笑忽有老嫗來見驚曰此紅絲瘡也當害汝命
急就其泡上灼艾數十壯仍於絲上數處挑斷遂免
惡核瘰癧巢氏云小兒遇風熱毒氣與血氣相搏結
成頑核生於頸項遇風寒所折不消結成瘰癧久而

潰膿成瘡也湯氏用宜服清涼飲子及升麻湯等千
金連翹九龍膽湯皆可服 曾瘰癧一證先賢名曰
九漏究其所因似熱稽考形狀非一不過隨象命名
大柴初發於頸項肌肉之間未成膿者從本引末可
使衰去針之灸之傳之從其所因而施療然小兒幼
弱豈堪針灸但以服餌塗貼之劑爲治此疾多生於
耳後及頸項兩旁初發止是一枚次必連生大小十
數纏繞項下累累如貫珠遂箇先腫作膿穿破輕者
可愈重者難除先穴漏膿長歲不乾謂之漏項原其
得病之初自是三陽感受風熱與血氣相搏而成治

胎毒
瘰癧

以百解散加當歸散水薑蔥燈心煎服次用玄參飲
及牛蒡湯木通散內消丸與之宣熱化毒洗以獮皮
散塗用白芨散二香散使氣血行膿乾汁盡則自愈
矣仍忌腥毒野味其證不致再作

胎毒瘰癧者乃稟肝膽二經鬱火氣滯所致蓋肝
膽經行人身之側若因肝火動而受患故發於肝膽
二經部分當審其因而藥之或因乳母恚怒或血虛
內熱者當審其所因而調其母不可用峻厲之藥恐
傷元氣也 一小兒落草頸間有癰五枚審其母素
多怒時常寒熱或乳間作痛或脇肋微腫悉屬肝膽

經證先用小柴胡湯加當歸芍藥寒熱頓退又用加
味逍遙散毋服兩月餘其兒亦愈 一小兒因乳母
肝經有熱耳前後患之用加味道逍遙散治其母其兒
自愈 一小兒頸間耳下各結核三歲久服消毒之
劑患處益甚元氣益虛診乳母素鬱怒致肝脾血虛
而有熱用加味歸脾湯為主佐以加味道逍遙散以熱
漸退却與兒日各數匙兩月餘而愈 一小兒自落
草時頸間患有四枚至五歲耳前後如貫珠元氣虛
甚寒熱往來飲乳不徹此稟肝膽經氣滯之證用八
珍逍遙二散與壯年婦人服之兒飲其乳半載之後

瘰癧

幼科三

百三

兒體漸充其核漸消又服地黃丸道遙散而全愈
一小兒生下頸間瘰癧三枚將期敷藥延及耳前余
謂此稟肝膽二經所致診其母肝膽脈尚洪數余謂
母子一體治其母兒自愈不信另用必効散一服吐
瀉並至一夕而效

熱毒潔癩乃手足少陽足厥陰一經風熱之證或肝
疳食積所致其證發於項腋或耳前後或如貫珠當
分表裡虛實若焮赤腫者肝經熱毒也用入參敗毒
散作痛寒熱者肝火內作也用加味小柴胡湯不痛
而小便黃肝血虛也用六味地黃丸隱於肉裏而色

不變者肝疳內作也用九味蘆薈丸膿成而不潰或
潰而不斂者脾氣虛弱也用益氣養榮湯凡此腫焮
疼痛寒熱作渴者屬病氣有餘形氣不足治宜清肝
火生肝血腫硬不潰潰而不斂者屬病氣形氣俱虛
治宜補腎水實脾土若因乳母恚怒肝火遺患者又
當隨所因而治之 一小兒膿水淋漓其核未消發
熱憎寒此肝經氣血虛而有熱也用補陰八珍湯為
主間以清肝益榮湯而愈後復結核小便赤澀瞞熱
作渴用參朮柴苓湯為主佐以六味地黃丸料加柴
胡山梔及四味肥兒丸而斂 一小兒十五歲患此

發熱作渴日晡頰赤脉數無力屬陰虛而有熱用補
陰八珍湯五十劑加參芪又二十劑而潰但膿水清
稀肌肉不生此脾氣虛弱也以參芪歸朮為主佐以
芍藥熟地黃麥門五味氣血乃復遂進必効散一服
毒下而痊 一小兒患此服尅治之藥致寒熱腹膨
此肝脾疳證先用五味異功散加柴胡升麻佐以九
味蘆薈丸漸退又用四味肥兒丸五味異功散而消
一小兒九歲患此面色常青腫硬不潰肉色不變
乃伐肝化痰余曰當調補肝脾不信果虛證蜂起復
請治仍欲伐肝余曰面帶青色肝虛而本色見也面

色變白肺虛而本色見也痰涎上湧脾虛而不能攝
也兩目連劄肝血虛而生風也經云胃為五藏之本
當先救胃氣遂用五味異功散加升麻柴胡元氣稍
復乃朝用補中益氣湯夕用五味異功散佐以九味
蘆薈丸面色始黃而核漸消又以四味肥兒丸間服
地黃丸而愈

表
百解散 驚
當歸散 朝熱

牛蒡湯 咽疾

大聖散 治癩癧消風毒腫上壅內熱多生癩疹風
丹風證食煎燂多致此疾

倉易療癩

力斗三

百五十八

羌活

荆芥

升麻

薄荷

防風

甘草

大黃

黃芩

玄參

或加赤芍藥連翹

各等分

右為末每二錢水一盞煎六分溫服又方用牡蠣
貳火鍛為末玄參壹兩甘草兩為末每服二錢茶清
調下

裏玄參飲 治療癰及頭上生惡核腫痛

玄參

升麻

川烏

草烏

當歸

川芎

炮裂去皮

酒洗

各伍錢

炮裂去
皮臍

赤葛

生乾地黄

赤芍藥

甘草 叁錢

大黃 半生半
炮肆錢

各貳
錢半

右劉每服二錢水一盞薑二片煎七分無時溫服

升麻湯

升麻

射干

連翹

犀角屑

大黃

朴硝

石咬咀水煎大小加減忌酒麵炙煨物

木通散

柴芍參苓飲

治肝火血熱遍身搔痒或起赤暈或

筋攣結核

倉宜勿 癩癧

功計三

百五九

柴胡 芍藥 人參 白朮

茯苓 陳皮 當歸各伍分 牡丹皮

山梔炒 甘草炒各參分

右薑棗水煎服

清肝益榮湯 治肝膽經風熱血燥筋攣結核或作

痰子

柴胡 龍膽草酒拌炒各伍分 當歸

川芎 芍藥各壹錢 熟地黃自製 白朮炒

木瓜不犯鐵器 山梔炒 茯苓 薏苡仁各伍分

甘草參分

右水煎服

加味小柴胡湯 治肝膽經風熱耳前後腫痛或結

核焮痛或寒熱晡熱口苦耳聾等證

柴胡貳錢 黃芩炒壹錢 人參

半夏各柒分 甘草炙伍分 山梔

牡丹皮各壹錢

右薑水煎徐徐服去山梔牡丹皮

益氣養榮湯 治氣血虛弱四肢頸項等處患腫不

問腫潰日久不斂俱宜服之

人參 茯苓 陳皮

癰疽 外科

貝母

香附 炒

當歸 酒洗

川芎

黃芪 炒

熟地黄 自製

芍藥 炒各壹錢

甘草 炙

桔梗 各伍分

白朮 炒

柴胡 陸分

右每服二三錢薑水煎

取毒 喉

必効散

治癰癰元氣無虧者宜用此方若元氣怯

弱者宜先補而後服之癰毒已下便與滋補庶無

他患若孕婦及虛勞氣鬱所致者尤不可服世以

此方為良劑故併注之

南鵬砂 貳錢 伍分

輕粉 壹錢

麝香 伍分

巴豆

伍粒去皮心膜

白檀榔 壹箇

蟹螯

肆拾箇去頭足翅同

糯米炒去米

右為末取雞子二箇去黃用清調藥入殼內以濕

紙數重糊口甑蒸熟取出曝乾研細每服五分用

炒生薑酒五更調服如毒出小便澀痛用益元散

一服其毒出而不痛

給貼惡核方

赤小豆

猪牙皂莢

硝石

黃藥

木鼈子 各半

右末雞子清調塗患處

瘡瘍 癰疽

外科

瘡瘍

貼散癩癧神效方

白膠香

降真香

用心無海螵蛸
土氣者

右等分為末摻患處外以水紙掩之一夜而退

興化李八哥傳貼癩癧膏藥未破者即消已破者即出惡物收斂神驗良方

輕粉

麝香

珍珠

血竭

沒藥

乳香

黃蠟

銅青

松香

杏仁

貳拾枚
去皮尖

蓖麻子

貳拾枚
去殼

以上十一味各研極細末攪和用磁杵鉢搗成泥

膏不犯鐵器不見火將膏拍傅絹上以手撲薄貼

治療癩破潰不斂者方

用燒入場上紅黃土研細洗淨患處摻之神效

癩癧

薛驚風結核屬肝膽二經風木相火用事木旺生風

熱同化其病抽掣擾動此乃風熱血燥而然耳蓋風

動則肝火盛火盛則肝血內消血不能養筋故筋攣

結核如貫珠然頸項兩側正屬肝膽經部分治宜滋

腎水清肝火養陰血壯脾土蓋腎水旺則肝火自清

肝火清則陰血自生陰血生則相火自寧火既寧則

無熱傷元氣火乘土位之疾矣 一小兒甫周歲項

間結核兩臂反張索敗毒之藥余意此屬肝經血燥
詢之果前患驚風嘗服朱砂等藥遂與六味地黄丸
滋其肝血數服而愈 一小兒項側結核痰盛發搐
服金石香燥之劑手足筋攣此肝血復傷即急驚也
遂用加味小柴胡湯加釣藤鈎山梔芩歸六味丸料
加五味麥門而痊 一小兒每受驚項間結核發熱
減食睡間四肢微抽此肝木侮脾土也用五味異功
散加柴胡升麻釣藤鈎隨愈畢姻後腿臂腕間結核
誤服行氣破血藥腿臂筋攣肌體消瘦如瘵證余考
續到京用地黃丸生肝腎之血佐以補中益氣湯補

肺之氣而愈 一小兒耳前後結核遇驚即痰盛
咬牙抽搐搖頭恪服香燥之藥以致慢驚而卒

皂角子丸 治肝膽經風熱項脇兩側結核

皂角子用仁炒 連翹錢捌 當歸

柴胡 芍藥炒 山梔炒

川芎各壹兩 桔梗炒 龍膽草酒拌炒黑

甘草肆錢

右為末米糊丸菜豆大量兒大小加減滾湯下

人參敗毒散 治小兒風熱瘡痒頑核毒瘡或解脫

衣裳風邪所傷惡風發熱胸膈生痰頭目不清方

後

九味柴胡湯 治肝經熱毒下注患便毒腫痛或小便
腹脇間結核凡肝膽經部分一切瘡瘍或風毒惡
核瘰癧

柴胡炒 黃芩炒各 人參伍分 山梔炒 半夏炒

龍膽草炒 當歸炒各 芍藥炒各 甘草貳分

右水煎服若腫痛赤色元氣無虧者宜用潰後腫
消痛止者不宜用大凡腫硬不潰潰後不愈者因
元氣虛也午前宜用四君歸芪升麻午後宜用四
君芍歸柴胡為主佐以九味蘆薈丸若飲食少思

者宜用五味異功散專補胃氣若膿水清稀而見
一切諸證皆因血氣內虧但溫補脾胃飲食加進
血氣化生諸證自退設治瘡邪是虛其虛也禍不
旋踵矣

琥珀膏 治瘰癧不潰或潰而不愈變成漏證

琥珀 木通 桂心 當歸

白芷 防風 松香 硃砂

丁香 木香 木鼈子肉各貳兩

右先用琥珀丁香桂心硃砂木香為末其餘咬咀
以麻油二斤六兩慢火煎至白芷焦黑濾去粗徐

瘰癧結核

切半三

百六四

下黃丹一斤以柳枝不在手攪至黑色滴水捻軟
硬得中却入琥珀等末攪勻於磁器盛之用時取
少許攤貼

益脾清肝散

治肝火侮脾飲食少思發熱或寒熱

往來瘡不能消散於見後

補陰八珍湯

治元氣虛弱不能潰斂或內熱晡熱

肌體消瘦即八珍湯加酒炒黑黃礬知母

瘡疥

小兒經絡蘊熱頭面及身體生瘡四君子加

瓜蒌根桔梗各半錢煎服

湯小兒惡瘡天氣溫和

頻與澡洗更衣名曰外宣亦不宜服藥小兒不得已

而服藥此乃下法若將養愈宜何疾可復更令乳哺
有節勿令過飽其身乃如藥樹此養生之理也

湯惡瘡方頻浴身安外宣無病

春用柳條荆芥

夏用棗葉槐枝

秋冬用苦

參俱煎湯洗浴

加味羌活散

治小兒四氣外搏肌膚發為癰疹增

寒發熱身痒

羌活

前胡各壹兩

人參

桔梗

茯苓

甘草炙

川芎

枳殼麩炒

天麻各半兩

疥癩

蟬蛻 去鬚

薄荷 各錢

右剉碎每服三錢水一盞生薑三片煎至六分不
拘時服

當歸飲子 治小兒心血凝滯內蘊風熱發見皮膚

遍身瘡疥或腫或痒或膿水浸淫

當歸 去蘆

赤芍藥

川芎

生地黄

蒺藜 炒去刺

荆芥穗

防風 去蘆各壹兩

何首烏

黃耆 去蘆

甘草 炙各半兩

右剉碎每服四錢水一盞薑三片煎六分服無時

胎毒瘡疥因稟胎熱或娘母飲食之毒七情之火初

如乾癬後則膿水淋漓或結靨成片如發于兩耳眉

或耳前後髮際之間屬手少陽經若發于四肢屬脾

胃經發於兩脇屬肝經發于額屬心經發于腦屬胸

臑經發于頰頰屬腎經當隨各經所主五臟勝負及

乳母食啖厚味鬱怒所傳致而調治之不可輒用化

毒犀角等丸設元氣復傷轉變他證尤為難療一

小兒通身患之服黃解毒丸皆愈惟頭結痂作痒

出水此稟腎經虛熱用地黃丸解毒散而愈一小

兒患於髮際之間作痒診其母有肝火用加味道遙

不瘡易疥癩

力平三

百三

散加漏蘆用牛黃解毒丸解毒散而愈解毒散一名托毒散
一小兒患於左耳髮際漸延上頭作痒此稟肝膽二
經熱毒用柴胡清肝散母子並服而愈後不戒膏粱
復發膿水淋漓右頰赤色此胃經有熱先用清胃散
仍用柴胡清肝散治肝火母子俱服又用立効散牛
黃解毒丸而愈 一小兒兩眉患之延及遍身四肢
為患膿水淋漓寒熱往來屬肝脾積熱用清胃散小
柴胡湯立効散而愈後眉間復患兩目連劄小便白
濁用四味肥兒丸九味蘆薈丸而愈 一小兒因乳
母不戒七情厚味患此久不愈母用清胃逍遙二散

子用牛黃解毒丸愈後兒食甘味眉間生瘡痒痛目
劄用四味肥兒丸為主佐以加味道遙散清胃散而
愈 一小兒遍身患之兩脇為甚子用四味肥兒丸
立効散母用柴胡梔子散而愈

牛黃解毒丸

治胎毒瘡癩及一切瘡瘍

牛黃 叁錢

甘草

金銀花 壹兩

草紫河車 伍錢

右為末煉蜜丸量兒服

立効散

治鬢瘡耳瘡及一切瘡疥

定粉 末

松香 末

黃礬 末

瘡瘍

外科三

黃連 末

枯礬 末各壹兩

右各另為末用清油燭油調搽

敷藥解毒散 治一切毒瘡風疹痒痛

大黃

黃礬

山梔

寒水石 各等分

右為末水調搽若破而膿水淋漓用當歸膏或清

燭油調尤善

柴胡梔子散 發熱

四味肥兒丸 疳

九味蘆薈丸 疳

金黃散 天泡瘡

熱毒瘡疥因乳哺過早或嗜甘肥臟腑積熱或母食

膏粱厚味或七情內火所致當分臟腑所屬之因病

之虛實調其血氣平其所勝如肝經實熱用柴胡清

肝散虛熱用六味地黄丸心經實熱用導赤散虛熱

用補心湯脾經實熱用瀉黃散虛熱用補中湯肺經

實熱用瀉白散虛熱用五味異功散腎經熱用六味

地黄丸大凡手足冷者屬虛寒手足熱者屬實熱脉

沉數有力作渴飲冷大便乾實此邪在裏宜內疎若

脉浮數有力作渴飲冷此邪在表宜發散若脉浮大

按舉無方或作渴飲湯乳食少思此真氣虛而發熱

也調理脾胃其病自愈切不可用寒涼之劑復損真

瘡瘍

外科三

瘡瘍

氣嬰兒宜調治乳母為主 一小兒脇間患此寒熱
如瘧小便頻數此稟肝火所致先用柴胡清肝散又
用加味道遙散而愈後因乳母肝火動而復發用加
味道遙散及八珍湯加牡丹皮山梔母子服之並愈
一小兒腹間患此發熱便血而黃少食或作嘔或
作瀉手足時冷右關脈弦數此脾土虛弱肝火為患
先用五味異功散加升麻柴胡山梔益肝氣清肝火
後用地黃丸滋腎水生肝血而愈 一小兒腿肉股
患此色赤不愈發熱面色或赤或青此稟腎陰不足
而木火熾盛先用柴胡梔子散以清肝心後用地黃

丸以補肝腎而愈 一小兒肘間患此作渴飲冷右
寸關脈數而無力此胃經積熱傳於肺經也先用瀉
黃瀉白二散漸愈後用五味異功散四味肥兒丸而
愈 一小兒嗜膏粱甘味先患背脾後沿遍身淋漓
此飲食之熱而傷脾血也先用清胃瀉黃二散而愈
但形氣怯弱用五味異功散而元氣復
諸疳瘡疥因脾胃虧損肉亡津液虛火妄動或乳母
六淫七情飲食起居失宜致兒為患當分其因審其
經而平之如面青寒熱或白翳遮睛肝經之證也面
赤身熱或作渴驚悸心經之證也面黃體瘦或作渴

泄瀉脾經之證也面白咳嗽或鼻間生瘡肺金之證也面鰲體瘦或喜卧濕地腎經之證也嬰兒宜調治乳母若不審五臟勝負形病虛實妄行敗毒多致不救

湯傳瘡藥方

剪刀草

黃連

苦參

右等分爲末先洗淨次用麻油輕粉調傳

田瘡癬治法浸淫瘡宜用苦瓠散塗之乾癬宜用羊蹄根絞自然汁調膩粉塗之濕癬宜用青金散貼之苦瓠散 治小兒浸淫瘡漸展不止

苦瓠

貳兩

蛇蛻

燒灰

蜂房

微炒

梁上塵

壹拾

右爲細末生油調塗攤帛上貼

青金散

治小兒濕癬浸淫瘡

白膠香

研壹兩

輕粉

半兩

青黛

貳錢

右研爲細末乾糝瘡上

秘錄

治小兒風癬白礬

拾貳分

熱酒

鎔化馬尾蘸酒塗

山小兒頭面爛瘡木耳春細蜜調傳又冷水調平胃

散傳俱乾則易之

癩疹潔古云癩疹之病燼腫於外者屬少陽相火也

謂之癩小紅靨隱於皮膚中者屬少陰君火也謂之

疹癩疹並出則小兒難禁然首尾俱不可下大抵安裏藥多發表藥少小便秘則微踈之身溫者順身涼者逆大忌外敷寒涼內用踈導無此二者可保無虞葛根橘皮湯治發癩煩悶嘔吐清汁兼治淋痘等證

葛根 陳皮 杏仁去皮尖 麻黃去節

知母炒 甘艸炙 黃芩各半兩

右每服二三錢水煎服

玄參升麻湯 治癩疹已發未發或身如錦紋甚則煩躁語言喉閉腫痛

玄參 升麻 甘草

化癩湯

右每服二三錢水煎服

人參 石膏 知母 甘草各貳錢

右每服二錢水一盞入糯米半合煎六分米熟為度去滓溫服

荆防敗毒散即人參敗毒散加荆芥防風

人參敗毒散 治瘡瘍邪氣在表應發者若增寒壯熱項強脊疼或惡心咳嗽亦宜用之

人參 茯苓 川芎 羌活

獨活 前胡 柴胡 枳殼麸皮炒

瘡瘍癩疹 方力十三 百七

桔梗

甘草

炒等分

右每服二三錢水煎

東垣人參安胃散治癩疹因服峻厲之劑脾胃虛熱

泄瀉嘔吐飲食少思等證

人參

壹錢

黃芪

炒壹錢

生甘草

炙甘草

各伍分

白芍

酒炒柒分

白茯苓

肆分

陳皮

叁分

黃連

炒貳分

右為末每服二錢水煎服

犀角消毒散

治癩疹丹毒發熱痛痒及瘡疹等症

牛蒡子

甘草

荆芥

防風

各伍分

犀角

錫末貳分

金銀花

叁分

右水煎熟入犀角傾出服

地龍散

治小兒風熱癩疹狀如傷寒耳尖及手足

冷上

地龍

洗去土半兩焙乾

穿山甲

半兩以皂角灰炒令黃

硃砂

貳錢研細

右前二味為細末後入硃砂一處再研和勻每服

壹錢用紫草煎湯調下不拘時量兒大小加減

消毒飲

咽喉

清涼飲子

裏熱

治大人小兒癩疹入腹即殺方

用蕪菁子末酒調服三錢小兒加減又酒服牛

膝末二錢小兒減之又以鹽湯洗了按蓼子傳

治風腫及癰疹

巴豆五十箇去皮以水三升煮取一升以綿浸湯中適寒溫以拭病上隨手差

治風疹入腹身體強腫舌乾燥硬

蔓菁子三兩為末每用溫酒調壹錢

治風疹痒不止

酪伍合鹽壹兩二味相和煎過摩病處立瘥

又方蛇蛻皮一條水一升煎半升雞翎掃揩上即瘥

又方白礬五兩為末以酒三合小便一升煎如稀膏

以綿蘸藥於病上輕手揩之令執徹入皮膚須臾

消盡此方神奇能治百計不差者

水吐滄薛小兒黃水粘滄屬肝脾二經風熱積熱

所致邪在表而痛痒者輕則犀角消毒散重則連翹

防風湯邪在內而大便秘者輕則九味解毒散重則

大連翹飲若頭目不清憎寒壯熱作渴便秘者表裏

俱有邪也加味清涼飲若誤服尅伐之藥而致發熱

惡寒者肺氣傷也用四君桔梗柴胡發熱嘔吐胃氣

傷也用異功散發熱作瀉脾氣虛也用六君子湯並

加柴胡升麻餘當隨證裁之

大連翹飲治風毒熱毒發熱作痛二便不利表裏

俱實方見

柴胡梔子散 治肝膽風熱生瘡作痛發熱或瘡破

而膿水淋漓或發寒熱晡熱方見

犀角消毒散 治熱毒積毒發于肌表而頭面生瘡

或痛或痒者方見

荆防敗毒散 治風熱相搏邪氣在表患瘡瘍之類

寒熱作痛者方見前

補中益氣湯 治瘡瘍之類過服敗毒之藥致中氣

虛弱發熱或寒者方見虛熱

六君子湯 治瘡瘍脾胃虛弱不能飲食更或嘔吐

而瘡不愈者方見脾

九味解毒散 治熱毒胎毒而發瘡瘍之類未潰作

痛者上

黃連炒 芍藥 防風 甘草各叁分

金銀花 連翹各壹分 當歸捌分 山梔肆分

白芷陸分 右作一劑水煎母子並服

加味清涼飲 治熱毒積毒在內患瘡瘍大便不通

而欲痛作渴者上

當歸 赤芍藥 甘草炙 大黃炒各叁分

山梔炒叁分 牛蒡子炒杵肆分 右水煎服

瘡癩 公和 三

人參消風散 治諸風上攻頭目昏眩項背拘急肢體煩疼肌肉顫動耳若蟬鳴鼻塞多嚏皮膚頑麻瘙癢疹目澀昏困

人參 白僵蠶 茯苓 防風

芎藭 藿香 蟬蛻 厚朴薑製

羌活各叁錢 荆芥穗 炙甘草 陳皮各伍錢

右每服一二錢水煎

連翹防風湯 治小兒肝脾風熱時毒頭面生瘡

連翹研碎 防風 黃連 陳皮

芍藥 當歸 獨活 白蒺藜炒去刺

荆芥 茯苓 甘草 黃芩

牛蒡子炒研各等分

右每服二錢水煎服

和肝補脾湯 治風熱瘡疹脾上不及肝木大過

人參 陳皮 川芎各伍分 山梔炒肆分

白朮 茯苓 芍藥各半 柴胡

甘草炙各叁分 右分二劑水煎服

益脾清肝湯 治肝脾風熱瘡寒熱體痛脾胃虛弱

人參 白朮 茯苓 甘草 川芎

當歸 黃芪各叁分 柴胡 牡丹皮各貳分

益壽 力 二 益壽

右水煎服

三黃散 治風熱疔熱生瘡水浸淫膿流處便濕爛

松香 五倍子 黃連 黃丹

海螵蛸 各壹錢 輕粉 雄黃 各少許

右為末用瑩肌散煎洗滲之乾者油敷

立効散

定粉 松香 黃礫 黃連

枯礬 各壹錢

右為末用清燭油調搽

頭面瘡 薛人身諸陽之氣會於首而聚於面其有患

瘡痍者因臟腑不和氣血凝滯於諸陽之經或稟賦腎陰虛肝火或受母胎毒或乳母六淫七情或食膏粱醇酒或兒食甘肥厚味所致其因不同當各辨其經絡審其所因而治之若發於目銳眦耳前上頰抵鼻至目內眦者皆屬小腸經發於顛及頭角下頰耳後腦左右者皆屬膽經發於頰前鼻孔及人中左右者皆屬大腸經發於鼻之挾孔下唇口反承葉耳後頰車耳前髮際額顛者皆屬胃經發於目內眦上額尖至後腦項者皆屬膀胱經既察其經即當分治若真腎火者用六味地黃丸 腎胎毒者犀角消毒丸前

食積疳者四味肥兒丸疳乳母膏梁者東垣清胃散
齒至於諸腑受病必兼諸臟故患於額間屬心經發
熱飲冷者為實熱用導赤散心發熱飲湯者屬虛熱
用養心湯左腮屬肝經或頸項勁強者為實熱用柴
胡清肝散熱或咬牙頓悶者虛熱用六味地黄丸右
腮屬肺經喘嗽飲冷者為實熱瀉白散肺發熱咳嗽
者為火刑金用人參平肺散嗽鼻間屬胃經發熱飲
冷大便黃硬者為實熱用瀉黃散脾發熱飲湯大便
青白者為虛熱用異功散患於頰及耳輪者屬膀胱
經腎無實證唯用地黃丸若瘡已潰久而不愈則當

審其臟氣之相勝病邪之傳變而以調補脾胃為主
若因乳母遺熱為患者當先治其母則兒病自愈也
養心湯 治心氣不足虛熱上攻而患瘡瘍者

黃芪 炒

白茯苓

半夏麩

當歸

川芎

辣桂

栢子仁

酸棗仁 炒

五味子 杵

人參 各參錢

甘艸 炒肆錢

右每服壹貳錢薑棗水煎為末服亦可
牛黃解毒散 治胎毒頭面生癩或延及遍身痒痛
不安浸淫不愈及眉煉瘡

瘡易頭面瘡

力斗

又重共

生甘草 壹兩 牛黃 伍錢膏梁之必用之 金銀花 壹兩

右各為末每服貳參分乳汁調服或用甘艸煎膏為丸芡實大每壹丸白湯化服外傳青金散亦可拔毒散 治證同前及疥癩瘡癬

黃芩 黃連 白礬 三味俱生用

雄黃 各伍錢 銅綠 貳錢痒甚加之 松香

右各另為末乾糝患處或用油調搽疥瘡宜加枯

礬參錢

頭瘡小兒頭瘡是六陽受毒熱而攻頭成瘡也若頭上散成片常常燥癢毛髮稀少有類白屑此因積熱

上攻名曰禿瘡瘡雖生於頭世人只知以藥外傳得愈不逾旬月其瘡又發何為而然蓋頭者諸陽所會之處洪範五行火曰炎上熱毒上攻兩陽相灼故瘡生於頭法當解陳莖音之積熱導心經之煩躁斯可矣

世治久癩頭用黃連細末傅之 治年久癩頭內用苦參丸食後服之外用苦參末油傅之二月愈丹又方用防風通聖散酒製除大黃另研為末再用酒拌晒乾為末每一錢水煎服日四五服至三十貼見効

又方

川芎

片苓

芍藥

陳皮

白朮

當歸

天麻

蒼耳

黃檗

粉草

防風

右咬咀煎服四五次服之服過睡片時

小兒癩頭用燒紅炭碎長流水令熟洗之仍用芫荽

子煎豬脂去滓用脂傅患處又法用胡荽子伏龍

肝懸龍尾黃連白礬為末油調傅

頭瘡方

豬油

壹錢半生半熟

雄黃

水銀

各貳錢半

右研和勻傅瘡上

又方治小兒癩頭并身癩等證用松皮燒灰白膠香

枯礬大黃黃檗油調傅患處又方用臘月馬脂

油搽患處極

簡頭瘡大筭殼燒灰量瘡大小用灰調生油傅又加

膩粉佳

秘錄小兒頭身諸瘡燒雞卵殼和豬脂傅之

世治癩頭

松香

壹兩乾銚銚開安在石上候冷取起輕輕研細

黑龍尾

即屋塵垂掛者

黃丹

各叁錢

白芷

半兩

松樹皮

燒灰存性

極之字下有効

瘡易頭瘡

力料三

壹貳

水銀

雄黃

白礬

各貳錢

右為末以血餘入香油煎爛調傅患處

鱧攻頭瘡方

用敗龜板酥炙為末以飛麵少許和油調塗頂上
留孔出毒不可調太柔

面瘡

世治小兒面瘡通面爛無全膚膿水流漓百藥
不効者陳年臘豬油不入鹽者傅之神効

眉癩

薛眉煉者謂小兒兩眉間生瘡如疥癬當求其
因而藥之蓋眉屬膽經若原稟肝膽經熱或乳母肝
膽經有熱者用柴胡梔子散或乳母食厚味醇酒者

用加味清胃散或乳母有鬱怒者用加味道遙散俱
與乳母服子亦飲少許仍參前證主之

田眉煉治法用青金散傅之如不愈燒小麥存性研
細好油調塗

青金散 治小兒疥癬眉煉或延及遍身瘙痒或膿
水淋漓經年不愈

松香

貳兩

真蛤粉

伍錢

青黛

貳錢

右為末用蠟油調搽或乾糝之或加輕粉枯礬各
三錢以治前證及胎毒疥癩尤效

耳瘡

丹小兒耳後月蝕瘡蚯蚓糞燒以豬油和傅

胡粉雞清和傳 黃連末傳 竹葉燒末豬脂和

傳

水銀膏 治月蝕瘡多在兩耳上及竅傍隨月虛盈

水銀

貳錢半

胡粉

松脂

黃連

去鬚為末 各半兩

豬脂

肆兩

右先熬豬脂令沸下松脂諸藥末及水銀攪令勻
磁盒盛先以鹽湯洗淨瘡塗敷日三五度

胡粉散

治月蝕瘡

胡粉

炒微黃

白礬

煨

纈丹

煨

黃連

淨

輕粉

各貳錢

臘脂

壹錢

麝香

少許

右末先以溫漿水入鹽洗拭後摻藥如瘡乾麻油

調敷

湯氏云耳有五般常出黃膿者為停耳出紅膿者為
膿耳出白膿者為纏耳疳臭者為伍耳耳內虛鳴出
青膿者為震耳證雖五般病源一也皆由風水入耳
而因有積熱上壅而成若不早治久則成聾宜臘脂
膏治之仍服化痰退熱等劑即愈也

蔓荊子湯

治內熱耳出膿汁

升麻

木通

麥門冬

赤芍藥

生地黄 前胡 甘菊 甘草

桑白皮 赤茯苓 蔓荆子 各等分

右用薑棗水煎食後服

清上散 治上焦風熱耳出濃汁頭面瘡癩亦治胎

熱眼睛腫赤糞色稠黃肚熱啼哭及身上紅腫

川鬱金 甘草 北桔梗 天花粉

乾葛 薄荷葉 各等分

右為末入蜜拌勻白湯下三五七分或一錢仍用

艾葉煎濃湯溫浸足底以引其熱下行

當歸龍薈丸 治肝膽風熱耳中鳴出青膿名曰震

耳大便秘小便黃常服宣通血氣調順陰陽

當歸 龍膽草 柴胡 各壹兩 青黛

膽星 大黃 蘆薈 各伍錢 麝香 伍分

梔子 酒黃芩 酒黃連 黃檗 各壹兩

木香 貳錢伍分

右為末煉蜜丸小豆大每服二十九薑湯送下

清黃散 治耳出黃膿名曰聾耳內有風熱外為水

濕所干醞久而成

防風 滑石 飛五錢 甘草 炙壹錢 梔子 酒炒叁錢

藿香 酒黃連 各貳錢

右為末白湯調一錢食後服

清心丹 治耳出紅膿名曰膿耳及舌上生瘡如楊

梅狀者

黃連 酒炒 參錢

滑石 飛陸錢

甘草

辰砂 飛各 壹錢

薄荷 陸分

犀角 鎊屑 貳錢

右為末每服一錢五分蜜拌薄荷湯下夜再服

清白散 治肺熱痰火上壅耳出白膿名曰纏耳兼

治咳嗽

桑白皮 蜜炒

地骨皮 各參錢 甘草 壹錢

貝母 貳錢

寒水石 煨參錢 天花粉

酒芩

天門冬 各壹 錢半

右為末以蜜水調食後服或白通草煎湯下尤妙

交感丹 治耳中疳臭名曰伍耳或怒氣上逆上下

不得宣通遂成聾聵

香附子 童便浸透 炒參錢

茯神

黃連 各壹 錢

桂心

甘菊花 各壹 錢

右為末每服壹錢五分燈心湯下

禹餘糧丸 治聾耳出膿水

禹餘糧 煨醋碎 參錢

海螵蛸 去背 上 硬骨

百草霜

伏龍肝 各貳錢 伍分

大附子 去皮 臍生 用壹枚

右末以綿裹如員眼核大安耳內日再易之如不
瘥乃有蟲也

龍骨散 治諸膿耳

枯礬

龍骨

胭脂胚

各壹錢

麝香

少許

為細末以綿裹杖子拭去耳中膿再吹一字入耳
中日再加海螵蛸一錢尤妙

羊角散 治耳內膿汁不乾

山羊角燒存性為末每吹二三分入內一日二次

三日全瘳

滋陰地黃丸 治耳虛鳴膿汁不乾腎陰不足

熟地黃

壹兩

白茯苓

肆錢

山茱萸

伍錢

甘菊

肆錢

牡丹皮

肆錢

何首烏

黑豆蒸叁次

黃礬

各肆錢

右為末煉蜜丸梧子大每三五十九

白斂散 治小兒凍耳成瘡或痒或痛

黃礬

白斂

各半兩

右為末先以湯洗瘡後用生油調塗

口瘡 曾口瘡一證形與名不同故治法亦異有發於

未病之前有生於已病之後大抵此疾不拘肥瘦有

血氣盛者又加將養過溫或心脾二經有熱或客熱

在胃熏逼上焦而成其瘡此為實證宜宣熱拔毒使
無炎熾自然作效可用當歸散加升麻乾葛黃芩水
薑蔥燈心煎服及投牛蒡湯拔毒飲木通散點以消
黃散若口內白爛於舌上口外糜潰於唇弦瘡少
而大不甚為痛常流清水此因脾胃虛熱上蒸內已
先發而後形於外宜百解散疎表當歸散水薑棗煎
服和胃氣理虛熱次投牛蒡湯三解散塗以綠袍散
立効飲黃金散或投天竺黃散地黃膏若瘡生於
口角是脾有積熱才開口則燥痛飲食多難甚至再
有外風吹着便覺坼裂微有清血謂之燕吻瘡治法

同前藥餌輕者用醜蓋上炊流汁塗之亦驗有口
唇下成小片赤爛此因飲食膩汁淋漓不潔蓋以嬰
兒皮肉脆嫩浸漬成瘡及有風熱乘之名曰承漿瘡
又謂之疳蝕瘡其所因者一也治法同前證內藥劑
有無故口臭糜潰而不成瘡或服涼劑或塗末藥
不能療者此名元焦故叔和脉訣曰陰數脾熱并口
臭是脾家有虛熱上攻於口宜服回陽散兒大者用
黑錫丹早食前煎汲水入鹽少許調勻送下與正元
氣及參苓白朮散調元散服之以立効飲黃金散乾
點潰爛處或用蒸蜜同熟水調點舌上令其自化燕

瘡癤 卷之三

下無妨仍忌毒物

當歸散 潮熱 牛蒡子湯 咽喉

拔毒飲 解風熱毒氣上攻頭項浮腫作痛發驚又

治發癍

天花粉 去粗皮 壹兩 生地黄 淨洗 白芷

當歸尾 酒洗 桔梗 剉片蜜水炒過 甘草 五味各半兩

右剉每服二錢水一盞七分無時溫服

木通散 淋 消黃散 舌

百解散 驚 三解散 潮熱

綠袍散 舌

立効飲 主口内牙根舌上發瘡作痛致語言飲食不便

淨黃連 壹兩 北細辛 去葉貳錢半 玄明粉 貳錢

右細剉或晒或焙為末仍同玄明粉乳鉢内杵勻每用一字乾點患處或以一錢新汲井水調塗瘡上兒小者畏苦不肯點燕用蜜水調敷患處令其自化咽痛茶清調下

黃金散 解口内舌上瘡毒及治痘瘡後目生翳膜

黃檗 去粗皮用生蜜潤透剉目 粉草 貳味各壹兩

右剉研為細末治口瘡用藥末乾點患處或用麥

瘡瘍

卷之三

一百五

門久熟水調點舌上令其自化若痘瘡後目生翳

膜湯泡澄清無時頻洗仍投糖煎散柿煎散二藥

天竺黃散 主下焦風熱口鼻生瘡兩目赤腫咽膈

不利涎壅滯氣不通暢驚搖煩悶神思昏迷

天竺黃 鬱金無山梔仁代 茯神去皮根

甘草四味各半兩 鵬砂 牙硝 僵蠶去絲

白芷 川芎 麝香壹字

枳殼炒微黃各貳錢半 硃砂水飛貳錢

右除鵬砂牙硝硃砂麝香四味乳鉢細杵餘九味

焙乾為末同入乳鉢內再杵勻每服半錢或一錢

溫薄荷湯無時調服或麥門冬湯

地黃膏 治口內舌上生瘡作痛飲食難進晝夜

山梔仁 棗豆粉各壹兩半 粉草陸錢

右或曬或焙為末用生地黄爛杵取汁一兩半好

蜜一兩半以薄瓦器盛在銅銚中水煮成膏稠糊

相似候冷亭分入前藥末同在乳鉢內再杵勻丸

芡實大每以一九至二九麥門冬熟水無時化服

兒大者每用一九納口內含化或以新汲水調點

舌上

大醫方 卷之三

頁六

回陽散 吐瀉

黑錫丹 大科頭痛

參苓白朮散 不能食

調元散 解顛

薛諸疳口瘡因乳哺失節或母食膏粱積熱或乳母七情鬱火所致其證口舌齒齦如生瘡狀若發熱作渴飲冷額間色赤左寸脉洪數者此屬心經先用導赤散清心火次用地黃丸滋腎水若寒熱作渴左頰青赤左關脉弦洪者屬肝經先用柴胡梔子散清肝火次用六味地黃丸生肝血若兩腮黃赤牙齦腐爛大便酸臭右關脉洪數按之則緩者屬脾經用四味肥兒丸治脾火以五味異功散補脾氣若發熱咳嗽

右腮色赤右寸脉洪數按之瀉者屬肺經先用清肺飲治肺火用五味異功散補脾胃若發熱作渴兩頰鰐色左尺脉數者屬腎經不足先用六味地黃丸以生腎水次用補中益氣湯以生肺氣又有走馬疳者因病後脾胃氣血傷損虛火上炎或痘疹餘毒上攻其患甚速急用銅碌散大蕪萸湯輕則牙齦腐爛唇吻腮腫重則牙齦蝕露頰頰透爛若飲食不入喘促痰甚此脾胃虛而肺氣敗也頰腮赤腐不知痛者此胃氣虛甚而肉死也並不治
經云手少陰之經通于舌足太陰之經通于口因心

瘡易口瘡

功斗一

頁七

脾二經有熱則口舌生瘡也當察面圖部位分經絡
虛實而藥之若元氣無虧暴病口生白屑或重舌者
用亂髮纏指蘸井花水搯之或刺出毒血敷以柳花
散傳之上以腫脹或有泡者竝令刺破敷前散或以
青黛搽之刺後又生又刺若唇吻坼裂者用當歸膏
調柳花散敷之若元氣虧損或服寒涼之藥或兼作
嘔少食者此虛熱也用五味異功散加升麻柴胡若
泄瀉作渴者脾胃虛弱也用七味白朮散若腹痛惡
寒者脾胃虛寒也用六君薑桂若因母食酒麪煎炒
者用清胃散若因母飲食勞役者用補中益氣湯用

脾血虛者用加味道遙散鬱怒內熱者用加味歸脾
湯母子並服若泥用降火必變慢脾風矣仍參吐舌
弄舌治之凡針重舌以線針直刺不可橫挑恐傷舌
絡致言語不清也

東垣清胃散 治胃經有熱齒牙作痛或飲冷作渴

口舌生瘡或唇口腫痛焮連頭面或重舌馬牙吐
舌流涎若因服尅伐之劑脾胃虛熱口舌生瘡或
弄舌流涎或嘔吐困睡大便不實者用五味異功
散

升麻 五分
生地黄 四分
黃連

唇傷口瘡 方三三 百六

牡丹皮 各卷 當歸稍 肆分

右水煎服嬰兒母亦服

清熱消毒散 治實執口舌生瘡及一切瘡瘍腫痛

形病俱實者

黃連 炒 山梔 炒 連翹

當歸 各伍分 川芎 芍藥 炒

生地黃 各陸分 金銀花 壹錢 甘草 貳分

右水煎服嬰兒母同服

四君子湯 治脾氣虛熱口舌生瘡或但胃氣復傷

飲食少思或食而難化若作嘔泄瀉尤宜用之如

兼痰嗽氣逆肢體倦怠面目浮腫宜用六君子湯

六君子湯 治脾胃氣虛吐瀉不食肌肉消瘦或肺

虛痰嗽喘促惡寒或驚搐口直口噤諸證 一方見不能食

五味異功散 治脾胃虛熱口舌生瘡或因誤服剋

伐之劑脾胃復傷而口舌生瘡或弄舌流涎吐瀉

不止飲食少思或驚搐痰嗽睡而露睛手足並冷

若母有病致兒患者子母並服 方見

柳葉散 治熱毒口瘡

黃檗 炒 蒲黃 青黛 真正 人中白 煨各等分

右為末敷之

瘡瘍口瘡 方三二 瘡

門法

簡如聖散 治小兒口瘡不能喫乳者江子一粒或

二粒研爛不去油入硃砂黃丹傅紙絹上少許剝開

小兒顙門貼在顙上如四邊起粟米泡便用溫水洗

心法

去藥恐成瘡更用菖蒲水洗其效如神

世南星膏 治口瘡小兒難用藥以大天南星去皮

取中心龍眼大為末却用酸醋塗脚心甚妙

手治小兒口瘡飲乳不得以白礬如雞子大置醋中

法

塗兒足底二七次即愈

無牡蠣散 治小兒口瘡 牡蠣煨通紅取出候冷研細紙裏入土中七日出毒參錢甘草炙為末壹錢

右和勻時時挑少許搽口中或吐皆無害

口瘡治法乳母同兒宜服洗心散瀉心湯後用黃

藥末研細糝之瀉心湯方黃連一味為末蜜水調不可煎

湯治口瘡驗方

黃藥蜜炙赤半兩 青黛壹分

右二件為末頻搽口內愈

斗口瘡服涼藥不愈者此中焦氣不足虛火泛上宜

附子理中湯

脾肥屬足陽明胃經其生癰者多因兒食甘甜

厚味脾胃積熱所致亦有乳母鬱怒兒受其患者若

瘡瘍 肥脾

力十三

百廿

從治

因熱積於內二便不通者用涼膈散風邪相搏二便
如常者用漏蘆湯胃經風熱或兼咽喉腫痛用升麻
防風湯若稟賦陰虛火動頰間或兩耳內生瘡或出
膿不正者宜用地黃丸若因乳母肝火乘脾用加味
逍遙散脾經鬱熱用加味歸脾湯膏粱積熱用東垣
清胃散脾胃風熱用清咽利膈湯仍參口瘡治之
升麻防風湯 治胃經實熱咽痛口燥腮癰等證

升麻 防風 黃蘗炒 茯苓
芍藥炒 陳皮各伍分 連翹 當歸各柒分
右每服二錢水煎仍量大小用之

清咽利膈湯 治心脾蘊熱或咽喉腮舌腫痛

玄參 升麻 桔梗炒 甘草炒
茯苓 黃連炒 黃芩炒 牛蒡子炒
防風 芍藥炒各等分

右每服一二錢水煎

本事方治小兒毒氣攻腮赤腫可畏者

皂角去核 天南星生用 糯米壹合
右為細末薑汁調塗立效

薛臂癰之證當分經絡所屬受證之因而治之

上廉屬手陽明經下廉屬手太陽經外廉屬手少陽

經內廉屬手厥陰經內之上廉屬手太陰經內之下廉屬手少陰經或經絡熱鬱風邪外干氣血有毒即生癰毒若因心經有熱者導赤散加黃連心包絡有熱者柴胡梔子散肺經有熱者瀉白散大腸經有熱者大連翹飲喉腫作痛者氣血凝結也用仙方活命飲腫痛不消者欲作膿也用托裏消毒散膿熟不出者氣血虛也用托裏消毒散膿出反痛者氣血虛甚也肌肉不生者脾胃氣虛也用五味異功散不可外傳生肌散恐反助其邪而肌肉難長也

白芷升麻湯 治手陽明經分臂上生瘡

白芷

升麻

桔梗

黃芪

黃芩

酒炒 各貳錢

生黃芩

伍分

紅花

甘草

炙各 伍分

右水酒半鍾煎食後溫服

大連翹飲

即大連翹湯

治肺熱生瘡

連翹

藿麥

荆芥

木通

赤芍藥

當歸

防風

柴胡

滑石

蟬殼

甘草

山梔子

黃芩 各等分

右為末每服二錢加紫草水煎服

大便不通量

加大黃

薛液癰屬足少陽手少陰手厥陰三經小兒患之多稟賦肝火所致初起先用活命飲次用柴胡梔子散五七日間作膿焮腫作痛者亦用活命飲殺其大勢雖潰亦輕而易斂若膿已成用托裏消毒散已出用托裏散如有變證當隨證治之

薛脇肋者足厥陰少陽之經相火之司也乃木之主肝膽之氣不平則風火內搏榮逆血鬱熱聚為膿而癰腫之所由生也亦有稟賦母氣肝膽之熱志怒之火而致然初患焮腫作痛者宜用柴胡梔子散未消者用仙方活命飲其執既殺而腫不消者則必

成膿也乃用托裏消毒散其膿既成以代針膏次之仍用托裏散自愈若膿出而痛止腫消則不必用藥也

加味歸脾湯 治小兒因乳母憂思鬱怒胸脇作痛或肝脾經分患瘡瘍之證或寒熱驚悸無寐或便血盜汗瘡口不斂等證

人參

黃芪

茯苓

甘草

白朮

木香

遠志

酸棗仁

龍眼肉

當歸

牡丹皮

山梔

瘡瘍 脇癰

方三

壹錢

右水煎乳母服兒亦服之

小柴胡湯 治肝膽經分一切瘡瘍發熱潮熱或飲

食少思加山梔牡丹皮名加味小柴胡湯方見發熱

柴胡清肝散 治肝經風熱或乳母怒火患一切瘡

瘡見肝熱

梔子清肝散 一名梔子 柴胡散 治三焦及足少陽經風熱生

瘡或發熱耳內生瘡作痒或出水疼痛見腎熱

腹腫 薛腹癰者患於臍下或傍二寸許屬脾經近脇

屬膽經蓋因脾經陰虛氣滯血凝或因脾虛飲食積

熱所患若焮腫作痛者瀉黃散堅硬腫痛者清胃散

腫痛便秘者清涼飲如此而仍痛者瘀血凝滯也活

命飲既用此藥而不消則內欲作膿也用托裏消毒

散若膿出而痛不減者毒未解也亦用前藥若膿出

而反加痛及膿水清稀者氣血虛也用參芪托裏散

若食少體倦者脾氣虛也用五味異功散加當歸柴

胡升麻嘔熱內熱者脾血虛也用四君當歸丹皮如

有他證當隨證治之

薛腎癰屬膀胱經溼熱或稟賦陰虛若腫硬作

痛用內托羌活湯微腫微痛用托裏消毒散若初起

大痛或五日之間似消不消似潰不潰者先用仙方

活命飲後用托裏消毒散若已潰食少體倦瘡不生
肌脾胃虛弱者用五味異功散加柴胡升麻稟賦陰
虛小便數而不斂者加減八味丸氣虛久不生肌收
口用豆豉餅及補中益氣湯培養元氣若用解熱攻
毒及敷圍寒涼之劑則氣血受傷必成敗證矣
內托羌活湯 治尻腎生癰堅硬腫痛

羌活

黃蘗

酒製各壹錢

防風

藁本

當歸尾

各伍分

肉桂

連翹

甘草

炙

蒼朮

陳皮

各叁分

黃芪

捌分

右作二劑水一鍾入酒一杯煎空心服

薛腿癰之證所主之經不同而所治之法亦異
發於內側者屬肝脾二經發於外側者屬膽胃二經
漫腫堅硬者元氣虛弱也用內補黃芪湯腫勢高熾
者元氣未虛也用內托柴胡黃芪湯外竝用隔蒜熨
法若瘀血凝滯而不消或不作膿者用活命飲血氣
虛弱而不能潰及不生肌肉者用托裏散此其梗槩
云爾 一小兒腿內側前廉患毒潰後腫硬色黯膿
清不斂面色青黃此脾虛肝旺兼寒邪襲於患處也
當壯元氣為生先用異功散加柴胡升麻及蔥熨法

脾氣漸復患處漸愈佐以八珍湯豆豉餅而愈一
小兒腿外側痛腫肉色如故用托裏消毒散二劑而
腫始赤又四劑而腫赤亦退又六劑潰而膿出清稀
食少體倦用異功散加芎歸仍用托裏散補其元氣
而愈 一小兒漫腫堅硬肉色不變此陽氣虛而不
能成膿也用托裏散如聖餅腫起色赤用托裏消毒
散而膿成針之用八珍湯加肉桂漸愈因傷食吐瀉
患處天白飲食少思先用六君乾薑次用八珍湯及
葱熨法而愈 一小兒患此久不愈膿水清稀面色
痿黃腹大青筋此脾氣虛為肝所侮也朝用補中益

氣湯夕用五味異功散元氣稍復乃佐以四味肥兒
丸及葱熨之法兩月餘而愈 一小兒腿外膝腫一
塊服消毒之藥其腫益甚肢體羸瘦飲食少思更加
作痛余曰先腫而後痛者形傷氣也先痛而後腫者
氣傷形也當補接陽氣不信仍投疎泄之藥後果歿
機要云榮衛之氣充滿抑遏不能行故閉塞氣血腐
而為癰者當泄之以奪盛熱之氣若人飲食踈精神
衰氣血弱肌肉消薄故榮衛之氣短促而滯滯故寒
搏腠理閉鬱而為癰者當補之以接虛怯之氣信矣
齊氏云肺癰肺痿因脾肺氣虛腠理不密外邪

所乘或母食辛辣厚味遺熱於兒或兒有病過於汗下內亡津液虛火燦肺或服剋伐之藥虧損脾胃不能生肺金其證惡風咳嗽鼻塞項強呼吸不利甚則四肢微腫咳唾膿血若吐臭穢胸中隱痛脉數而實者為肺癰咳唾涎沫脉數而虛者為肺痿惡寒喘嗽者寒邪內蘊也小青龍湯咳唾膿穢者肺癰內潰也桔梗湯竊謂前證若喘咳短氣者脾肺氣虛也五味異功散咳唾膿痰左尺脉數而無力者腎氣虛也六味地黄丸咳唾膿痰右關脉數而無力者脾氣虛也七味白朮散若發熱喘嗽唾膿不食者脾肺虛甚也

難治大要補脾肺滋腎水為善仍審五臟相勝乳母七情後證倣此

小青龍湯 治傷風冒寒咳嗽喘急肺脹胸滿鼻塞流涕或乾嘔熱咳或作渴或作噎或小便不利或

小腹脹滿此仲景之法宋世有是證用之及時殊有良驗

麻黃去節 赤芍藥 半夏各棗錢

細辛 乾薑炮 甘草炙

桂枝各三錢 五味子半兩 附子貳錢麻

右每服二錢水煎

桔梗湯 治咳嗽膿血腥穢已成癰證

桔梗炒 貝母去心 知母炒

倉場肺癰 切斗二 百九七

桑白皮

炒

枳殼

各壹錢

地骨皮

瓜蒌仁

薏苡仁

杏仁

并各伍分

當歸

黃芪

炒各壹錢

五味子

并炒

百合

炒各壹錢五分

防已

壹錢

甜葶藶

炒五分

右每服二三錢水煎服

升麻湯

治肺癰膿血穢臭胸乳皆痛

升麻

桔梗

炒

薏苡仁

地榆

條芩

炒

牡丹皮

芍藥

甘草

各等分

右每服二三錢水煎

排膿散

治肺癰此方排膿補肺

黃芪

鹽水拌炒

白芷

人參

五味子

炒研各等分

右為末每服一二錢蜜湯調下

射干湯

治胃脘癰吐膿血

射干

去毛

梔子仁

赤茯苓

升麻

赤芍藥

壹兩叁錢

白朮

伍錢

右每服三五錢水煎入地黃汁少許再煎服

人參平肺散

治心火剋肺金傳為肺癰咳嗽喘嘔

痰涎壅盛胸膈痞滿咽噎不利

人參

陳皮

甘草

地骨皮

茯苓

各壹錢

知母

炒

五味子

炒

青皮

瘡瘍

肺癰

方

百九

天門冬 去心肆分

桑白皮 炒壹錢

右每服二三錢

參芪補脾湯 治肺癰脾氣虧損咳吐膿涎或中滿

不食必服此藥補脾土以生肺金否則不治

人參 各貳錢 白朮 炒貳錢伍分 茯苓

陳皮 各壹錢 當歸 叁分 升麻 叁分 麥門冬 柒分

桔梗 炒陸分 甘草 炙伍分 五味子 杵肆分

右作三服薑棗水煎

人參補肺湯 治肺證咳喘短氣或腎水不足虛火

上炎痰涎壅盛或吐膿血發熱小便短澀

人參 黃芪 炒 白朮 茯苓

陳皮 當歸 各壹錢 山茱萸 乾山藥

五味子 杵 麥門冬 去心 甘草 炙 熟地黃 自製

牡丹皮 各伍分 右每服五錢水煎服

腸癰 張仲景云腸癰之證因飲食積熱或母食辛熱

之物所致小腹按之則痛小便數似淋腹急惡寒身

皮甲錯或自汗惡寒若脉遲緊未有膿者用仙方活

命飲以解其毒脉洪數已有膿者服太乙膏以下其

膿小腹疼痛小便不利者膿壅滯也牡丹皮散主之

竊謂經云腸癰為病不可驚驚則腸斷而死故坐臥

倉場腸癰

力汁三

百九七

轉側之間須令徐緩時少飲薄粥及用八瓊湯固其元氣靜養調理庶可保也

大黃湯 治腸癰小腹堅腫按之則痛肉色如常或
燉赤微腫小便頻數汗出憎寒脉緊膿未成也急
服之

大黃 炒

朴硝 各壹錢

牡丹皮

瓜蒌仁

桃仁 去皮尖 各貳錢

每服二三錢水煎

薏苡仁湯 治腸癰腹中痛煩躁不安或脹滿不食
小便澀滯

薏苡仁

牡丹皮

桃仁 各叁兩

瓜蒌仁 肆兩

右每服四錢水煎

桃仁湯 治腸癰腹中痛煩躁不安壅痛大便閉澀
亦有繞臍生瘡者但用此藥無妨

桃仁

大黃 炒

牡丹皮

芒硝

犀角 鈎

冬瓜仁 研各貳錢

右水煎入犀角末服

牡丹皮散 治腸癰腹濡而痛時下膿汁或下血

牡丹皮

人參

天麻

白茯苓

黃芪 炒

薏苡仁

桃仁

白芷 炒

當歸

川芎

官桂

甘草 各伍分

木香 貳分

右每服三五錢水煎

便毒薛便癰因肝火肝疳或稟肝經熱毒若初起腫硬作痛者先用龍膽瀉肝湯一二劑腫痛不減用仙方活命飲二劑五七日不減腫尚硬亦用前一藥各一劑如不消或更痛欲成膿也用活命飲一劑却用托裏銷毒散加柴胡山梔一二劑若膿已成而不潰者血氣虛也用托裏消毒一二劑膿已潰而痛不止者毒氣不解也用活命飲一劑若膿已出而反痛者血氣虛也用內補黃芪湯膿已潰而發熱煩躁者氣虛血脫也用當歸補血湯膿已潰而惡寒發熱者血氣俱虛也用十全大補湯膿已潰而惡寒者元氣虛

恒字一本作

也用補中益氣湯膿已潰而不生肌者脾氣虛也用六君子湯若稟賦怯弱或因飲食勞倦而為患者恒用補中益氣湯加射干自消設使不分經絡不別虛實槩行攻伐虧損氣血則輕者難治重者必變瘰癧甚至不起

龍膽瀉肝湯

見前

仙方活命飲

見前

托裏消毒散

見前

內補黃芪湯

薛製

治潰瘍膿水出多或過服敗毒之劑致氣虛血弱發熱無寐或兼盜汗內熱或不生肌

黃芪

炒

人參

白朮

炒

瘡瘍 便毒

幼科三

三

茯苓

陳皮

當歸 各壹錢半

酸棗仁 炒壹錢

五味子 杵

甘草 炒各伍分

右水煎徐徐服

當歸補血湯 虛熱

清心蓮子飲 淋

補中益氣湯 虛熱

十全大補湯 汗

癰 薛囊癰屬肝經濕熱或稟胎肝熱所致初起腫

痛小便赤澀者濕熱壅滯也先用龍膽瀉肝湯如不

消用仙方活命飲若腫痛數日不止欲作膿也用托

裏消毒散若腫未潰而小便不利者毒氣壅滯也當

分利之膿已成而小便不利毒氣未解也當針泄之

膿出而反痛者氣血虛也當補益之若元氣無虧雖

陰囊悉潰翠丸懸露亦不為害若乳母志怒令兒患

此者加味道遙散肝經氣血虛者八珍散加味柴胡

山梔俱加漏蘆子母並服

托裏清肝散

人參

黃芪 炒

當歸

川芎

芍藥 炒

白朮

茯苓

金銀花

白芷 炒

甘草 炒

連翹

柴胡 各柒分

山梔 身分

右每服二三錢水煎

錢氏蚯蚓散治腎子腫硬先用葱椒湯煎洗次以乾
蚯蚓糞津無調敷須避風冷濕地

世傳治小兒陰囊腫大用甘草煎濃汁調蚯蚓糞塗
之立效

山藥膏治兩脚及小腹腫痛或痒用山藥研爛頻敷
患處乾則易之

脚凍瘡薛足指凍瘡因受稟虛怯故寒邪易乘氣血
凝滯久而不愈則潰爛成瘡治法須壯脾胃溫氣血
則死肉自潰良肉自生若骨脫筋連者宜急剪去否
則毒延脚面而死蓋肢末之處氣血難到又為外邪

遏絕則氣血不能運行若用湯盪火烘其肉即死而
不仁至春必潰腐脫落元氣無虧雖患無害如外敷
寒藥內服消毒之劑則元氣受傷必成敗證凡初凍
時執手頻熨之為妙北方凍耳莫誤以手觸之其耳
即落大寒能裂膚墮指信然

湯氏生附散治爛脚瘡用生附末麵水調敷之愈
白斂散

用白斂壹兩黃檗炒黑伍錢為末乾摻患處

湯火瘡薛湯火之證若發熱作渴小便赤澀者內熱
也用四物加山梔連翹甘草若肉未死而作痛者熱

毒也用四君加芩歸山梔連翹若肉已死而不潰者
 氣血虛也用四君加當歸黃芪外傳當歸膏或柏葉
 末蠟油調搽至白色其肉自生若因烟薰將死者以
 生蘿蔔汁灌之即蘇若飲食後被湯火所傷發熱腹
 脹惡食發搐變證者當參食積驚搐門治之

神效當歸膏 治湯火等瘡不問已潰未潰肉雖傷
 而未壞者用之自愈肉已死者用之自潰新肉易
 生搽至肉色漸白其毒始盡生肌最速蓋當歸生
 地黃麻油二蠟皆主生肌止痛補血續筋與新肉
 相宜

用之字凡

當歸

生地黄

各壹兩

麻油

肆兩

黃蠟

壹兩白者 止用伍錢

右先將當歸地黄入油煎枯去滓將蠟溶化候冷
 攪勻即成膏矣用塗患處將細紙蓋之發背癰疽
 杖瘡潰爛用之尤效凡死肉潰爛將脫止有些須
 相連者宜用利刀剪去蓋死肉有毒去遲則傷新
 肉死肉去盡尤宜速貼蓋新肉最畏風寒不可忽
 也

乳香定痛散

治傷損一切瘡瘍潰爛疼痛

乳香

沒藥

各壹錢

滑石

兩

冰片

壹錢

右為細末搽患處痛即止

豬蹄湯 治一切癰疽杖瘡潰爛消腫毒去惡肉潤

瘡口

白芷

黃芩

當歸

蜂房

蜂兒多者為佳

羌活

赤芍藥

生甘草

各五錢

右用豬蹄一隻水四五碗煮熟去油粗取清湯入前藥煎數沸去粗溫洗隨用膏藥貼之

治湯火所傷方

用黃蜀葵花浸油內以油敷患處或收黃蜀葵花晒乾碾末香油調敷亦可

又方

用定粉碾極細末臈月豬脂調敷患處

又方

右用草麻子肉碾爛入蛤粉等分如乾再入香油些少調搽患處

翻花瘡

詳翻花之證由瘡瘍潰後風寒襲於患處或

肝火血燥生風或乳母肝火生風必致瘡口齖肉突出如菌或如指大小長短不同如風邪乘襲者先用補中益氣湯加防風天麻風寒凝滯者先用十宣散加羌活天麻兒肝火生風者先用加味逍遙散加天麻羌活母肝火生風者先用加味小柴胡湯次用加

味道逆散加漏蘆天麻其風邪所乘外用豆豉餅風
寒亦疑外用蔥熨法更用太乙膏護瘡口突肉不消
更以黎蘆膏塗之如瘡口不斂而惡寒發熱者元氣
虛也用補中益氣湯補熱內熱者氣血俱虛也用八
珍湯倍加參芪食少難化者脾氣虛也用五味異功
散若飲食少息大便不調或肌肉消瘦小便澄白者
此兼肝脾疳證也用九味蘆薈丸以清肝火用五味
異功散以補脾氣外用熨治之法

黎蘆膏 治瘡口斂肉凸起或出二三寸肉者

黎蘆不以多少為末以生豬脂搗和搽凸斂肉上

多骨疽由瘡瘍久潰脾胃虧損氣血不能
營於患處邪氣陷襲久則筋爛骨腐故骨脫出非稟
胎所有也當補脾胃壯元氣內用大補湯地黃丸外
以附子餅蔥熨法祛散寒邪補接元氣則骨自脫瘡
自斂若用剋伐之劑復傷真氣鮮有不危嬰兒患之
當調補乳母外用蔥熨以歲月除之尤不可用追蝕
之藥

補漏瘡之證因氣血不足或久病血氣虛弱

或兒肝脾食積內熱不能生肌或乳母七情不和脾
氣不能收斂當審其所以因調補元氣佐以如聖餅蔥

氣不能收斂當審其所以因調補元氣佐以如聖餅蔥

類爲等
餘當察各門

亦破血追飢等

反爲

